



Universitätsbibliothek Paderborn

**Avla ... Thesavorvm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1656

§. 298. Et dixit eis: Euntes in mundum vniuersum, prædicate Euangelium
omni creaturæ? v. 15.

urn:nbn:de:hbz:466:1-45533

§. 298. *Et dixit eis: Euntes in mundum, vniuersum, predicate Euangelium omni creatura? v. 15.*

Confirmatis iam in fide Apostolis sua præsentia & doctrina, eandem fidem & doctrinam mandat alijs prædicari in sua absentiæ omni creaturæ, id est rationali, sive Homini. hic enim habet aliquid de omni creatura, & solet dici microcosmus, id est parvus mundus, epitome vniuersi. dicit autem: *Euntes, id est cum iam tempus aduenierit, ut Hierosolymis discedatis, tunc in orbem vniuersum discedetis, & prædicabitis, ante id tempus autem Iudæos percurare laborabitis. Ut ego ipse me prius & fere solum Iudæis impendi, quibus fui re promissus.*

Domine Iesu agnusco ingentem in te caritatem, quod cum scires te tam male tractandum à Iudæis, tu tamen eos ita dilexisti, quasi gentiles affernereris, imo postquam te tam enormiter tractauerunt, tuis discipulis ad certum tempus mandasti, ut se ipsis solis fere impenderent, donec plaga eorum vel sanaretur vel desperanda videretur. Inexplicabilis est ista tua dilectio, superat sensum & verbum. Sed & gratias ago tibi, nomine omnium Gentium quod nos satiare demum dignatus sis misericordia eadabant de mensa Dominorum nostrorum Iudæorum, qui nunc ob incredulitatem suam facti sunt servi nostri.

§. 299. *Qui crediderit & baptizatus fuerit, saluus erit. v. 16.*

Hæc verba quidam ita accipiunt, quasi sint tota scriptura sacra, sive omnis à Deo revelata doctrina & sola sufficiens ad hominem instruendum. Sed errant, nisi enim quæ præcedant legeris, ista rite non intelligis. Quid igitur præcessit? *Predicate: & sequitur qui crediderit & baptizatus fuerit.* Ergo verba hæc eos concernunt, qui & prædicatione audire & intelligere possunt, & viu arbitrij sui cum gratiæ auxilio conuerti ad Christum, nempe adultos. quid igitur tu stupide Apostata Luthere, ait, infantibus opus esse fide ut baptizentur, ex hoc loco, & quod stupidus est, etiam revera credere absque vñerationis? ô te it. sanum! sed & hoc pessimum aliud, quod ex eodem verbo Domini contextitur puluillus sub omni brachio peccatoris, qui & saluavit & non cessare peccare. nam aiunt falsi Prophetæ, ecce qui crediderit & baptizatus fuerit, saluus erit.

O Deus quæ in tempora deuenimus. Hæc illi insani, in tuo nomine, non missi, prophetant & audie à multis audiuntur, soli sapere putantur omnes alij sunt stupores, hi soli sunt sapientes scilicet.

§. 300. *Qui vero non crediderit condemnabitur. v. 16.*

Modo vidimus Lutherismum ex detortis Domini verbis extortum.